

UniMAP Mempereratkan Lagi Hubungan Dengan Universiti di Arab Saudi

RIYADH, 21 Januari 2011 - Universiti Malaysia Perlis (UniMAP) memperkukuhkan lagi hubungan dengan Al-Imam Muhammad Ibn Saud Islamic University (Al- Imam University) apabila mengadakan pertemuan dengan pihak Institut Kehakiman, Al-Imam University pada 13-14 Januari 2011 yang lalu.

Pertemuan tersebut yang diketuai oleh Naib Canselor UniMAP, Brig. Jen. Dato' Prof. Dr. Kamarudin Bin Hussin bersama 6 orang delegasinya, telah bertemu dengan Dekan Institut Kehakiman Al-Imam University, As- Sheikh Prof. Madya Dr. Abdul Rahman bin Salamah Al- Muzini.

Pertemuan tersebut adalah pertemuan timbal balik yang membincangkan beberapa perkara termasuk untuk meningkatkan kerjasama antara UniMAP dan Al-Imam University khususnya berkaitan bantuan yang boleh diberikan oleh UniMAP bagi membantu memperkasakan Fakulti Kejuruteraan di Al-Imam University. Sebagai balasan Pihak Institut Kehakiman (Al-Ma'had Al- 'Ali Lil Qadha') juga bersedia untuk membantu UniMAP bagi memantapkan Pusat Islam UniMAP.